

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

HIRIGINTZA ETA INGURUMEN SAILA

Abenduaren 21eko 366/2018 Foru Araua, interes publikokotzat jotzen duena A-4413 errepidearekiko paralelo zuntz optikoko banda zabala instalatzeko kanalizazioa egitea, Domaikia eta Jugo udalerrien artean, Zuiako udalerrian

Telefónica SAUk obra lizentzia eskatu dio Zuiako Udalari zuntz optikoko banda zabala instalatzeko kanalizazioa egiteko, Domaikia eta Jugo udalerrien artean. Obra 1.650 metroko zanga egitean datza, Banda Zabaleko Belaunaldi Berriko Sareak ezartzeko programaren barruan.

Udal arkitektoak egindako txostenaren arabera, kanalizazioa Z8 motako –nekazaritzako eta abeltzantzako eta landazabaleko eremua– lurzoru urbanizaezinean egin beharko litzateke, punturen batean ibaibideren bat zeharkatuko luke, eta A-4413 errepidearekiko paralelo egingo litzateke, salbu eta azkeneko zatian, Jugotik hurbil, 30-40 metroko gutxi gorabeherako distantzian.

Zuiako Udalak espedientea bidali du eta eskatu du izapidetu dadila proiektuaren interes publikoko aitortpena, Euskal Autonomia Erkidegoko Lurzoruari eta Hirigintzari buruzko ekainaren 30eko 2/2006 Legeko 28.5.a) artikuluan xedatutakoa betetzearren.

ONINARRI JURIDIKOAK

Ingurumen eta Hirigintza Sailak eskumena du aztertzen ari den espedientea ebazteko, diputatu nagusiaren uztailaren 3ko 133/2015 Foru Dekretuaren arabera, eta sailaren egitura organiko eta funtzionala onetsi zuen Diputatuen Kontseiluaren otsailaren 9ko 17/2016 Foru Dekretuko 18.c) artikulua arabera.

Ekainaren 30eko 2/2006 Legeak, lurzoruari eta hirigintzari buruzkoak, 28.5.a) artikuluan xedatzen du lurzoru urbanizaezinean ezingo direla gauzatu aplikatzekoa den legeria sektorialak edo lurralde antolamenduak interes publikoko deklaratuak zuzkidura, ekipamendu eta jarduerak berariaz ezartzeko jardunak baizik, zeinak, betiere, dagokion foru aldundiak ebazpen bidez deklaratu behar baititu interes publikoko, hoguei egunez jendaurrean edukitzeko izapidea bete ondoren.

Urriaren 30eko 308/2018 Foru Aginduaren bitartez, xedatu zen behin-behinean onestea espedientea eta jendaurrean jartzea hoguei egunez, 2018ko azaroaren 16ko ALHAOn (132. zk.) argitaratzen zen unetik aurrera. Epe horretan, ez zen alegaziorik aurkeztu.

Maiatzaren 9ko 9/2014 Legeak, telekomunikazioenak, 2. artikuluan ezarritakoaren ondorioz du interes publikoa aztertutako kasuak; izan ere, artikulua horretan ezartzen denez, “lehia araubidean ematen diren interes orokorreko zerbitzuak dira telekomunikazioak”.

Horregatik guztiagatik, eta dagozkidan ahalmenak erabiliz, honako hau

XEDATZEN DUT

Lehenengoa. Interes publikokotzat jotzea Telefónica SAUk sustatutako eta Zuiako Udalak izapidetutako proiektua, zeinaren helburua baita zuntz optikoko banda zabala instalatzeko kanalizazioa jartzea, Domaikia eta Jugo udalerrien artean. Kanalizazioa Z8 motako –nekazaritzako eta abeltzantzako eta landazabaleko eremua– lurzoru urbanizaezinean egingo da, A-4413 errepidearekiko paralelo, eta Lurzoruari eta Hirigintzari buruzko ekainaren 30eko 2/2006 Legearen 28.5.a) artikuluan xedatutakoa betez.

Bigarrena. Adierazpen honek ez du salbuesten proiektua gauzatu baino lehenago aginduzko udal baimena lortzeko betebeharra, ez eta horretarako udal erabakiaren edukia aurretik ezartzen ere.

Hirugarrena. Interes publikoaren adierazpenak ez du administrazio bidea amaitzen, ez eta horrek aurrera egin dezan eragozten ere. Beraz, ez dago haren aurkako errekurtsorik aurkezterik. Zuiako Udalak, dagokion administrazio egintza emateko eskumena duen organoa den aldetik, baimena emateko edo ukatzeko hartzen duen ebazpenaren aurka bakarrik jarri ahal izango da errekurtsoa.

Gasteiz, 2018ko abenduaren 21a

Ingurumen eta Hirigintza Saileko diputatua
JOSEAN GALERA CARRILLO